

223929

十八家詩鈔

（上）

中華書局印行



十八家詩鈔

《四部備要》

集部

上海中華書局據原刻本

校刊

桐鄉 陸費達 總勘

杭縣 高時顯 輯校

杭縣 吳汝霖 之監造

版權所有不許翻印

十八家詩鈔卷十五目錄

蘇東坡七古下百二十首

次韻王定國南遷回見寄

寄蘄州與蒲傳正

漁父四首

觀杭州鈴轄歐育刀劍戰袍

寄吳德仁兼簡陳季常

題王逸少帖

書林逋詩後

蘇子容母陳夫人挽詞

次韻答賈耘老

送楊傑

再過超然臺贈太守霍翔

海市

送戴蒙赴成都玉局觀將老焉

送陳達知潭州

用前韻答西掖諸公見和

送表弟程六知楚州

送王伯敷守號

號國夫人夜游圖

武昌西山

再用前韻

趙令晏崔白大圖幅徑三丈

次韻三舍人省上

偶與客飲孔常父見訪設席延請忽上馬馳去

已而有詩戲用其韻答之

次韻子由書李伯時所藏韓幹馬

送宋朝散知彭州迎侍二親

郭熙畫秋山平遠

贈李道士

次韻米黻二王書跋尾二首

九月十五日適英講論語終篇賜執政講讀史

官燕於東宮又遣中使就賜御書詩各一首

臣軾得紫微花絕句翌日各以表謝又進詩

一篇

送喬公寄賀君六首

次韻黃魯直畫馬試院中作

余與李屬方叔相知久矣領貢舉事而李不得

第愧甚作詩送之

和王晉卿送梅花次韻

慶源宣義王丈以累舉得官爲洪雅主簿雅州

戶掾遇吏民如家人既謝事居眉之青神瑞

草橋放懷自得自書來求紅帶旣以遺之且

作詩爲戲

次前韻送程六表弟

戲書李伯時畫御馬好頭赤

送蹇道士歸廬山

木山

書王定國所藏煙江疊嶂圖

興隆節侍宴前一日微雪與子由同訪王定國

小飲清虛堂定國出數詩皆佳而五言尤奇

子由又言昔與孫巨源同王定國感念存沒

悲數久之夜歸稍醒各賦一篇明日朝中以

示定國也

王晉卿作煙江疊嶂圖僕賦詩十四韻晉卿和

之語特奇麗因復次韻

東川清絲寄魯冀州戲贈

寄蔡子華

介亭餞楊傑次公

安州老人食蜜歌

送張嘉州

送江公著知吉州

與葉遵老侯敦夫張秉道同相視新河秉道有

詩次韻二首

樓筵

次韻曹子方運判雪中同遊西湖

西湖秋涸東池魚窘甚因會客呼網師遷之西

池爲一笑之樂夜歸被酒不能寐戲作放魚

一首

復次放魚韻答趙承議陳教授

六觀堂老人草書

聚星堂雪

喜劉景文至

送歐陽季默赴闕

用前韻作雪詩留景文

次前韻送劉景文

蠟梅一首贈趙景貺

閭立本職貢圖

次韻王滁州見寄

次韻徐仲車

在潁州與德麟同治西湖未成改揚州三月十

六日湖成德麟有詩見懷次其韻

再次韻德麟新開西湖

次韻晁無咎學士相迎

聞林夫當徙靈隱寺寓居戲作靈隱前一首

送晁美叔發運右司年兄赴闕

送程德林赴真州

召還至都門先寄子由

近以月石硯屏獻子功中書公復以涵星硯獻

純父待講子功有詩純父未也復以月石風

林屏贈之謹和子功詩並求純父數句

次韻范純父涵星硯月石風林屏詩

次韻吳傳正枯木歌

書晁說之考牧圖後

書丹元子所示李太白真

雪浪石

石芝

鶴數

送曾仲錫通判如京師

次韻子由清汶老龍珠丹

次韻子由書清汶老所傳秦湘二女圖

子由生日以檀香觀音像及新合印香銀篆槃

爲壽一首

子由新修汝州龍興寺吳畫壁

六月七日泊金陵阻風得鍾山泉公書寄詩爲

謝

江西一首

秧馬歌

月華寺

遊羅浮山一首示兒子過

寓居合江樓

十一月二十六日松風亭下梅花盛開

再用前韻

花落復次前韻

追錢正輔表兄至博羅賦詩爲別

再用前韻

游博羅香積寺

四月十一日初食荔支

荔支數

同正輔表兄游白水山

次韻正輔同游白水山

吾謫海南子由雷州被命即行了不相知至梧

迺聞尚在藤也日夕當追及作此詩示之

夜夢

聞子由瘦

獨覺

過於海舶得邁寄書酒作詩遠和之皆粲然可

觀子由有書相慶也因用其韻賦一篇並寄

諸子姪

真一酒歌

歐陽晦夫遺接羅琴枕戲作此詩謝之

韋僊牧馬圖


衆妙堂

虔州景德寺榮師湛然堂

張競辰永康所居萬卷堂

老翁井

十八家詩鈔卷十五目錄



十八家詩鈔卷十五

相卿曾國藩纂

合肥李鴻章審訂
東湖王定安校

蘇東坡七古下百二十首

次韻王定國南還回見寄

土暈銅花蝕秋水要領悍石相礪砥十年冰燦戰膏
梁萬里煙波濯紉綺歸來詩思轉清激百丈空潭數
魴鯉逝將桂浦橫蘭蓀不記槐堂收劍履卻思庾嶺
今何在更說彭城真夢耳公自注來時君知先竭是
甘井我願得全如苦李妄心不復九回腸至道終當
三洗醺廣陵陽羨何足較公自注余買田陽羨只有
無何真我里樂全老子今禪伯公自注謂我安寧電
機鋒不容擬心通豈復問云何印可聊須答如是相
逢爲我話留滯桃花春漲孤舟起

寄新算與蒲傳正

蘭谿笑箭不成留離離玉筍排霜香千清萬縷自生
風入手未開先慘慄公家列屋閑蛾眉珠簾不動花
陰移霧帳銀牀初破睡牙籤玉局坐彈茶東坡病叟
長齋放凍臥飢吟似飢鼠倚賴春風洗破衾一夜雪
寒披故絮火冷燈青誰復知孤舟兒女自嗟嗟皇天
何時反炎燠愧此八尺黃琉璃願君淨掃清香閣臥
聽風濤聲滿榻習習還從兩腋生請公乘此朝蘭闥
翻從寒冷時倒映出炎熱得筆之妙
亦自昌黎卻願天日長炎熾句脫胎

漁父四首

漁父飲誰家去魚蟹一時分付酒無多少醉爲期彼
此不論錢數

漁父醉蓑衣舞醉裏卻尋歸路輕舟短棹任斜橫醒
後不知何處

漁父醒春江午夢斷落花飛絮酒醒還醉醉還醒一

笑人聞今古

漁父笑輕鷗舉漠漠一江風雨江邊騎馬是官人借
我孤舟南渡

觀杭州鈴轄歐育刀劍戰袍

青綾衲衫暖襯甲紅線勒帛光遶脅禿襟小袖雕鵲
盤大刀長劍龍蛇柙兩軍鼓譟屋瓦墜紅塵白羽紛
相雜將軍恩重此身輕笑履鋒鏖如一插書生只肯
坐帷幄談笑毫端弄生殺叫呼擊鼓催上竿猛士應
憐小兒黠試問黃河夜偷渡掠面驚沙寒霎霎何如
大艦日高眠一枕清風過若雪

寄吳德仁兼簡陳季常

東坡先生無一錢十年家火燒凡鉛黃金可成河可
塞只有霜鬢無由玄龍邱居士亦可憐談空說有夜
不眠忽聞河東師子吼拄杖落手心茫然誰似濮陽
公子賢飲酒食肉自得仙平生寓物不留物在家學
得忘家禪門前罷亞十頃田清溪遶屋花連天溪堂
醉臥呼不醒落花如雪春風顛我游蘭溪訪清泉已
辦布襪青行纏稽山不是無賀老我自興盡回酒船
恨君不識顏平原恨我不識元魯山銅駝陌上會相
見握手一笑三千年

題王逸少帖

顛張醉素兩禿翁追逐世好稱書工何曾夢見王與
鍾安自粉飾欺盲聾有如市倡抹青紅妖歌嫖舞眩
兒童謝家夫人淡丰容蕭然自有林下風天門蕩蕩
驚跳龍出林飛鳥一掃空爲君草書續其終待我他
日不忿忿

書林逋詩後

吳儂生長湖山曲呼吸湖光飲山綠不論世外隱君

子傭奴販婦皆冰玉先生可是絕俗人神清骨冷無
由俗我不識君曾夢見瞳子瞭然光可燭遺篇妙字
處處有步遶西湖看不足詩如東野不言寒書似西
臺差少肉平生高節已難繼將死微言猶可錄自言
不作封禪書更肯悲吟白頭曲公自注通鑑詩云
茂陵異日求遺草猶
喜初無我笑吳人不好事好作祠堂傍修竹不然配
食水仙王一盞寒泉薦秋菊

蘇子容母陳夫人挽詞

蘇陳甥舅真冰玉正始風流起類俗夫人高節稱其
家凜凜寒松映修竹雞鳴爲善日日新八十三年如
一晨豈惟室家宜壽母寶與朝廷生異人志軀徇國
乃吾子三仕何曾知愠喜不須擁笏垂垂魚我視去
來皆夢爾誦詩相挽真區區墓碑千字多遺餘他年
太史取家傳知有班昭續漢書

次韻答賈耘老

五年一夢南司州飢寒疾病爲子憂東來六月井無
水仰看古堰橫奔牛平生管鮑子知我今日陳蔡誰
從邱夜航爭渡泥水澀牽挽直欲來瓜州自言嗜酒
得風痺故鄉不敢居溫柔定將泛愛救溝壑衰病不
復從前樂今年太守真臥龍笑語炎天出冰雹時低
九尺蒼鬚髯過我三閒小池閣故人政觀爭來賀小
兒不信猶疑錯爲君置酒飲且哦草閒秋蟲亦能歌
可憐老驥真老矣無心更秣天山禾

送楊傑

疏乞偏歷叢林開法受道有詔朝奉郎楊
傑次公館伴所至吳中諸刹皆遊錢如王臣
禮至金山僧了元日義天亦異國僧耳叢林規繩
問其故了元曰義天亦異國僧耳叢林規繩
之不以了元可知大體無爲子嘗奉使登太山絕頂雞一鳴見日出

又嘗以事過華山重九日飲酒蓮華峯上今
乃奉詔與高麗僧統游錢塘皆以王事而從
方外之樂善哉未嘗有也作是詩以送之

天門夜上賓出日萬里紅波半天赤歸來平地看跳
九一點黃金鑲秋橋太華峯頭作重九天風吹盡黃
花酒浩歌馳下腰帶輕醉舞舞崩崖一揮手神遊八極
萬緣虛下視蚊雷隱汙渠大千一息八十返笑厲東
海騎鯨魚三韓王子西求法鑿齒彌天雨勅敵過江
風急浪如山寄語舟人好看客

再過超然臺贈太守霍翔

昔飲零泉別常山天寒歲在龍蛇間山中兒童拍手
笑問我西去何當還十年不赴竹馬約扁舟獨與魚
簑閒重來父老喜我在扶擊老幼相遮攀當時襁褓
皆七尺而我安得留朱顏問今太守爲誰歟護羌充
國費未班公自註期自言在躬持牛酒勞行役無復
杞菊嘲寒慙超然置酒尋舊迹尚有詩賦鑱堅頑孤
雲落日在馬耳照耀金碧開煙鬟却扶作淇自古北
流水跳波下瀨鳴珠環願公談笑作石埭坐使城郭
生溪灣

海市 並序

予聞登州海市舊矣父老云常出於春夏今
歲晚不復見矣予到官五日而去以不見爲
恨禱於海神廣德王之廟明日見焉乃作此

詩

東方雲海空復空羣仙出沒空明中蕩搖浮世生萬
象豈有貝闕藏珠宮心知所見皆幻影敢以耳目煩
神工歲寒水冷天地閉爲我起鰲嶽魚龍重樓翠阜
出霜曉異事驚倒百歲翁人閒所得容力取世外無

送戴蒙赴成都玉局觀將老焉

送陳睦知潭州

華清總眴浮高棟上有繡林藏石鑿一杯此地初識
君千巖夜上同飛鞚君時年少面如玉一飲百觚嫌
未痛白鹿泉頭山月出寒光發眼如流汞朝元閣上
酒醒時臥聽風鸞鳴鐵鳳舊游空在人何處二十三
年真一夢以上述舊游以下轉入潭州以我得生還雪髯滿君亦老
嫌金帶重有如社燕與秋鴻相逢未穩還相送洞庭
青草渺無際天柱紫蓋森欲動動湖南萬古一長嗟付
與騷人發嘲弄

用前韻答西掖諸公見和

雙猊蟠礴龍纏棟金井轆轤鳴曉夢小殿垂簾碧玉
鉤大宛立仗青絲鞚風馭賓天雲雨隔孤臣忍淚肝
腸痛羨君意氣風生坐落筆縱橫盤走汞上禪日日
瀉黃封賜茗時時開小鳳閉門憐我老太玄給札看
君賦雲夢金奏不知江海眩木瓜屢費瓊瑤重豈惟
蹇步困追攀已覺侍史疲奔送春還宮柳腰支活雨

送表弟程六知楚州

正轉第二之元字德孺第六
卿楚州也之邵字懿叔第七

送王伯馥守號

華山東麓秦遺民當時依山來避秦至今風俗含古
意柔桑綠水招行人行人掉臂不回首爭入嶠函土
囊口謂行人爭入函谷關而長安不肯久留魏州也至惟有使君千里來欲
飲三堂無事酒三堂本來一事無日長睡起聞投壺
牀頭硯石開雲月牀底松根斷雪腴山棚盜散人安
寢勸買耕牛發陳廩歸來只作水衡卿我欲攜壺就
君飲

號國夫人夜游圖

佳人自整玉花驄，翩如驚燕踏飛龍。金鞭爭道寶釧落，何人先入明光宮。宮中羯鼓催花柳，玉奴絃索花奴手。坐中八姨真貴人，走馬來看不動塵。明眸皓齒誰復見，只有丹青餘淚痕。人閒俯仰成今古，吳公臺下雷塘路。當時亦笑張麗華，不知門外韓擒虎。

武昌西山遊記

嘉祐中翰林學士承旨鄧公聖求爲武昌令

常游寒溪西山山中人至今能言之軾謫居黃岡與武昌相望亦常往來谿山閒元祐元年十一月二十九日考試館職與聖求會宿玉堂偶語舊事聖求嘗作元次山窪樽銘刻之巖石因爲此詩請聖求同賦當以遺邑人使刻之銘側

春江漲蒲萄醉武昌官柳知誰栽憶從樊口載春酒步上西山尋野梅西山一上十五里風驚兩腋飛崔嵬同游因臥九曲嶺寒衣獨到吳王臺中原北望在何許但見落日低黃埃歸來解劍亭前路蒼崖半入雲濤堆浪翁醉處今尚在石臼杯一作飲無樽壘爾來古意誰復嗣公有妙語留山腰至今好事除草棘常恐野火燒蒼苔當時相望不可見玉堂正對金鑾開豈知白首同夜直臥看椽燭高花催江邊曉夢忽驚斷銅鑲玉鎖鳴春雷山人張空猿鶴怨江湖水生鴻鴈來請公作詩寄父老往和萬壑松風哀前句敘昔在黃岡往來西山張翁大句敘歸會作窪樽銘當時六句敘會宿玉堂

再用前韻

朱顏發過如春醅胸中梨棗初未栽丹砂未易掃白髮赤松卻欲參黃梅寒溪本自遠公社白蓮翠竹依崔嵬當時石泉照金像神光夜發如五臺飲泉鑒面得真意坐視萬物皆浮埃欲收暮景返田里遠涉江水窮難堆還朝豈獨羞老病自歎才盡傾空壘諸公渠渠若夏屋吞吐風月清隔限我如廢井久不食古甃缺落生陰苔數詩往復相感發汲新除舊寒光開遙知二月春江闊雪浪倒卷雲峯摧石中無聲水亦靜云何解轉空山雷公自注事應物詩云水性本云靜石中固無聲如何兩相激雷山驚欲就諸公評此語要識憂喜何從來願求南宗

一勺水往與屈賈瀟餘哀

趙令晏崔白大圖幅徑三丈

扶桑大爾如籌蓋天女織綃雲漢上往來不遣鳳銜梭誰能鼓臂投三丈人閒刀尺不敢裁丹青付與梁梁崔風蒲半折寒鴈起竹閒的皪寒江梅畫堂粉壁翻雲幙十里江天無處著好臥元龍百尺樓笑看江水拍天流

次韻三舍人省上

公自注三月二十九日作明日駕幸景靈宮

紛紛榮瘁何能久雲雨從來翻覆手恍如一夢墮枕中卻見三賢起江右公自注曾子開劉貢父孔經父皆江西人嗟君妙質皆期璉顧我虛名但箕斗明朝冠蓋蔚相望共扈翠輦朝宣光武皇已老白雲鄉正與羣帝驂龍翔獨留杞梓扶明堂

偶與客飲孔常父見訪設席延請忽上馬馳去

已而有詩戲用其韻答之

楊雄他文不皆奇猶稱觀餅居井眉酒客法士兩小兒陳遵張竦何曾知主人有酒君獨辭蟹螯何不左手持豈復見吾橫氣機遣人追君若絕馳盡力去花君自癡醒醺與酒同一厄請君更問文殊師

次韻子由書李伯時所藏韓幹馬

潭潭古屋雲幙垂省中文書如亂絲忽見伯時畫天馬朔風胡沙生落錐天馬西來從西極勢與落日爭分馳龍膺豹股頭八尺奮迅不受人閒羈元狩虎脊聊可友開元玉花何足奇伯時有道真吏隱飲啄不羨山梁雌丹青弄筆聊爾耳意在萬里誰知之幹惟畫肉不畫骨而況失實空餘皮煩君巧說腹中事妙語欲遺黃泉知君不見韓生自言無所學駟馬萬匹皆吾師

送宋朝散知彭州迎侍二親施注宋彭州名儒字武之成都人

東來誰迎使君車知是丈人屋上烏丈人今年二毛初登樓上馬不用扶使君負弩爲前驅蜀人不復談相如老幼化服一事無有鞭不施安用蒲春波如天漲平湖輕紅照坐香生膚希韓上壽白玉壺公堂登歌鳳將雛諸絲歡笑爭挽須蜀人畫作西湖圖

郭熙畫秋山平遠公自注文淵公爲跋尾圖畫見開志郭熙熙陽人畫山

林寒

玉堂畫掩春日閑中有郭熙畫春山鳴鳩乳燕初睡起白波青嶂非人閒離離短幅開平遠漠漠疏林寄秋晚恰似江南送客時中流回頭望雲巘伊川佚老鬢如霜臥看秋山思洛陽爲君紙尾作行草炯如嵩洛浮秋光我從公游如一日不覺青山映黃髮爲畫龍門入節難待向伊川買泉石

贈李道士 劫序

駕部員外郎李宗君固景祐中良吏也守漢州有道士尹可元精練善畫以遺火得罪當死君緩其獄會赦獲免時可元八十一自誓且死必爲李氏子以報可元既死二十餘年而君子世昌之婦夢可元入其室生子曰得柔小名蜀孫幼而善畫既長讀莊老喜之遂爲道士賜號妙應事母以孝謹聞其寫真蓋妙絕一時云

世人只數曹將軍誰知虎頭非癡人腰閒大羽何足道煩上三毛自有神平生狎侮諸公子戲著幼輿巖石裏故教世世作黃冠布襪青鞋弄雲水千年鼻祖守關門一念還爲李耳孫香火舊緣何日盡丹青餘習至今存五十年初過二衰顏記我今如此他時

要指集賢人知是香山老居士

次韻米獻二王書跋尾二首

三館曝書防蠹毀得見來禽與青李秋蛇春蚓久相雜野鷺家雞定誰美玉函金籀上天來紫衣敕使親臨啓紛紛過眼未易識磊落挂壁空雲委歸來妙意獨追求坐想蓬山二十秋怪君何處得此本上有桓玄寒具油巧偷豪奪古來有一笑誰似癡虎頭君不見長安承甯里王家破垣誰復修前八句敘曾在三見長安承甯里王家破垣誰復修館見二王真蹟後得此本

元章作書日千紙平生自苦誰與笑畫地爲餅未必似要令癡兒出鑪水錦囊玉軸來無趾粲然奪真疑聖智忍飢看書淚如洗至今魯公餘乞米

九月十五日通英講論語終篇賜執政講讀史

官燕於東宮又遣中使就賜御書詩各一首

臣賦得紫薇花絕句其詞云絲綸閣下文章

靜鐘鼓樓中刻漏長獨坐黃昏誰是伴紫薇

花對紫薇郎翌日各以表謝又進詩一篇臣

賦詩云

繡裳畫衣雲垂地不作成王翦桐戲日高黃鸝下西

清風動槐龍舞交翠公自注屬英閣前有雙槐樹然屬地如龍形壁中蠹

簡今千年漆書科斗光射天諸儒不復憂吻燥東宮

賜酒如流泉酒酣復拜千金賜一紙驚鸞回鳳字蒼

顏白髮便生光袖有驪珠三十四公自注臣所賜書凡三十歸來車馬已喧闐爭看銀鉤墨色鮮人閱一

四字

日傳萬口喜見雲章第一篇公自注上前此未玉堂畫掩文書靜鈴索不搖鐘漏永莫言弄筆數行書須

信時平由主聖犬羊散盡沙漠空捷書夜到甘泉宮

似聞指揮築上郡已覺談笑無西戎公自注時熙河新獲鬼章是日

運原復奏夏賦文思天子師文母終閉玉關辭馬武
數十萬人進去小臣願對紫薇花試草尺書招贊普公自注按唐制
制許經中書舍人班今臣以知制誥待罪禁林故得以紫微爲故事

送喬公寄賀君六首地序○送喬公七古一首
序並同故附錄於七古中

舊聞靖長官賀水部皆唐末五代人得道不
死章聖皇帝東封有謁於道左者其謁云晉
水部員外郎賀亢再拜而去上不知也已而
閱謁見之大驚物色求之不可得天聖初又
使其弟子喻澄者詣闕進佛道像直數千萬
張公安道與澄遊具得其事又有喬公者少
得大風疾幾死賀使學道今年八十益壯盛
人無復見賀者而全數見之元祐二年十二
月全來京師十許日予留之不可曰賀以上
元期我於蒙山又曰吾師嘗游密州識君於
常山道上意若喜君者作是詩以送之且作
五絕句以寄賀

君年二十美且都初得惡疾墮眉頰紅顏白髮驚妻
孥覽鏡自嫌欲棄軀結茅窮山峻松腴路逢逃秦博
士盧方瞳照野清而癯再拜未起煩一呼覺知此身
了非吾炯然蓮花出泥塗隨師東游渡滌却山頭見
我兩輪朱豈知仙人混屠沽爾來八十胸垂胡上山
如飛瞋人扶東歸有約不敢渝新年當參老仙儒秋
風西來下雙鳧得棄如瓜分我無
生長兵閒蚤脫身晚爲元祐太平人不驚渤澥桑田
變來看龜蒙漏澤春
曾謁東封玉輅塵幅巾短褐亦逡巡行宮夜奏空名
姓悵望雲霞縹緲人

垂老區區豈爲身微言一發重千鈞始知不見高皇
帝正似商山四老人

舊聞父老晉郎官已作飛騰變化看聞道東蒙有居
處願供薪水看燒丹

千古風流賀季真最憐嗜酒謫仙人狂吟醉舞知無
益東飯藜羹問養神

次韻黃魯直畫馬試院中作

少年鞍馬勤遠行臥聞驚草風雨聲見此忽思短策
橫十年醉肉磨欲透那更陪君作詩瘦不如芋魁歸
飯豆門前欲嘶御史驄詔恩三日休老翁羨君懷中
雙橘紅

余與李廌方叔相知久矣領貢舉事而李不得
第愧甚作詩送之

與君相從非一日筆勢翩翩疑可識平生謾說古戰
場過眼終迷日五色我慙不出君大笑行止皆天子
何責青袍白紵五千人知子無怨亦無德買羊沽酒
謝玉川爲我醉倒春風前歸家但草凌雲賦我相夫
子非驪仙

和王晉卿送梅花次韻

東坡先生未歸時自種來禽與青李五年不踏江頭
路夢逐東風泛蘋芷江梅山杏爲誰容獨笑依依臨
野水此間風物君未識花浪翻天雪相激明年我復
在江湖知君對花三歎息

慶源宣義王丈以果舉得官爲洪雅主簿雅州

戶掾遇吏民如家人安樂之既謝事居眉
之青神瑞草橋放懷自得有書來求紅帶既
以遺之且作詩爲戲請黃魯直秦少游各爲
賦一首爲老人光華

青衫半作霜葉枯遇民如兒吏如奴吏民莫作官長
看我是識字耕田夫妻曉兒號刺史怒時有野人來
挽須拂衣自注下下考羊魁飯豆吾豈無歸來瑞草
橋邊路獨遊還佩平生壺慈姥巖前自喚渡青衣江
畔人爭扶今年蠶市數州集中有遺民懷袴襦邑中
之黔相指似白髯紅帶老不癯我欲西歸卜鄰舍隔
牆拊掌容歌呼不學山王乘駟馬回頭空指黃公壩

次前韻送程六表弟

君家兄弟真連璧門十朱輪家萬石竹使猶分刺史
符尚方行賜尚書烏前年持節發倉廩到處賣刀收
蘭栗歸來閉口不論功卻走渡江誰復惜君才不用
如瀾松我老得全猶社櫟青衫莫厭百僚底白首上
有千薪積憶昔江湖一釣舟無數雲山供點筆未應
偏障西風扇只恐先移北山檄憑君寄謝江南叟念
我空見長安日浮江浙蜀有成言江水在此吾不食

戲書李伯時畫御馬好頭赤

山西戰馬飢無肉夜嚼長槽如嚼竹籠閒三丈是徐
行不信天山有坑谷豈如廢馬好頭赤立仗歸來臥
斜日莫教優孟卜葬地厚衣薪爇入銅歷

送塞道士歸廬山

物之有知蓋恃息孰居無事使出入心無天游室不
空六鑿相攘婦爭席法師逃入廬山山中無人自
往還住者一空還者失此身正在無還閒綿綿不絕
微風裏內外丹成一彈指人間俯仰三千秋騎鶴歸
來與子游

木山並引

吾先君子嘗蓄木山三峯且爲之記與詩詩
人梅二丈聖俞見而賦之今三十年矣而猶

子千乘又得五峯益奇因次聖俞韻使並刻
之其側

木生不願回萬牛願終天年仆沙洲時來幸逢阿伯
秋掀然見怪推不流蓬婆雪嶺巧影鏤蟄蟲行蟻爲
豪會阿咸大膽忽持去阿伯好事不放尤城中古沼
浸坤軸一林瘦竹吾菴裘二頃良田不難買三年檻
木行可樞會將白髮對蒼巖魯人不厭東家邱

書王定國所藏煙江疊嶂圖

江上愁心千疊山浮空積翠如雲煙山邪雲邪遠莫
知煙空雲散山依然但見兩崖蒼蒼暗絕谷中有百
道飛來泉紫林絡石隱復見下赴谷口爲奔川川平
山開林麓斷小橋野店依山前行入稍度喬木外漁
舟一葉江吞天使君何從得此本點綴毫末分清妍
不知人間何處有此境徑欲往買二頃田君不見武
昌樊口幽絕處東坡先生留五年春風搖江天漠漠
暮雲卷雨山娟娟丹楓翻鴉伴水宿長松落雪驚醉
眠桃花流水在人世武陵豈必皆神仙江山清空我
塵土雖有去路尋無緣還君此畫三歎息山中故人
應有招我歸來篇前十二句狀畫中勝境使君四句
點明題目君不見十二句言樊口
勝境亦不減
必圖中之景

興隆節侍宴前一日微雪與子由同訪王定國

小飲清虛堂定國出數詩皆佳而五言尤奇
子由又言昔與孫巨源同王定國感念存沒
悲數久之夜歸稍醒各賦一篇明日朝中以
示定國也

天風浙浙飛玉沙詔恩歸沐休早衙遙知清虛堂裏
雪正似蘆菊林中花出門自笑無所詣呼酒持勸惟
君家踏冰凌兢戰疲馬扣門刺啄驚寒鴉羨君五字

入詩律欲與六出爭天葩頭風已倩檄手愈背癢卻
得仙爪爬銀餅瀉油浮蜩酒紫盃鋪粟盤龍茶幅巾
起作鸛鴒舞疊鼓誰慘慘漁陽過九衢燈火雜夢寐十
年聚散空咨嗟明朝握手殿門外共看銀闕曉晨霞

上晉卿作煙江疊嶂圖僕賦詩十四韻晉卿和之語特奇麗因復次韻不獨紀其詩畫之美亦爲道其出處契闊之故而終之以不忘在莒之戒亦朋友忠愛之義也

山中舉頭望日邊長安不見空雲煙歸來長安望山
上時移事改應潛然管絃去盡賓客散惟有馬埒編
金泉渥注故自千里足要飽風雪輕山川屈居華屋
啗棗脯十年俯仰龍旂前卻因瘦病出奇骨鹽車之
厄甯非天風流文采磨不盡水墨自與詩爭妍畫山
何必山中人田歌自古非知田鄭虔三絕君有二筆
勢挽回三百年欲將巖谷亂竊窈眉峯修禱誇連娟
人閒何有春一夢此身將老蠶三眠山中幽絕不可
久要作平地家居仙能令水石長在眼非君好我當
誰緣願君終不忘在莒樂時更賦囚山篇

公自柱柳
于厚有囚

東川清絲寄魯冀州戲贈

鵝谿清絲清如冰上有千歲交枝藤藤生谷底飽風
雪歲晚忽作龍蛇升嗟我雖爲老侍從骨寒只受布
與繒牀頭錦衾未還客坐覺芒刺在背膺豈如髯卿
晚乃貴福祿正似川方增醉中倒著紫綺裘下有半
臂出縹緲封題不敢妄裁翦刀尺自有佳人能遙知
千騎出清曉積雪未放浮塵興白頰紅帶柳絲下老
弱空巷人相登但放奇紋出領袖吾髯雖老無人憎

寄蔡子華蔡子華名襄眉之猶神人成都帖有詩敘云王十六秀才將歸蜀云子華

宣德蔡文苑詩求夢中爲作四贊而成
之以寄于華仍請以示楊君素王慶源二老
人元祐五年二月七日

故人送我東來時手栽荔子待君歸荔子已丹吾髮
白猶作江南未歸客江南春盡水如天腸斷西湖春
水船想見青衣江畔路白魚紫筍不論錢霜髯三老
如霜檣舊交零落今誰輩莫從唐舉問封侯但遺麻
姑更肥背

介亭錢楊傑次公

籃輿西出登山門嘉與我友尋仙村丹青明滅風篁嶺環珮空響桃花源公自注郡人謂介亭山下爲桃源路前朝欲上已蠟屐黑雲白雨如傾盆今晨積霧卷千里豈畏觸熱生病根在家頭陀無爲子久與青山爲弟兄孤峯盡處亦何有西湖鏡天江抹坤臨高揮手謝好住清風萬壑傳其言風回響答君聽取我亦到處隨君軒

安州老人食蜜歌

安州老人心似鐵。老人心肝小兒舌。不食五穀惟食蜜。笑指蜜蜂作檀越。蜜中有詩人不知。千花百草爭含姿。老人咀嚼時一吐。還引世間癡小兒。小兒得詩如得蜜。蜜中有藥治百疾。正當狂走捉風時。一笑看詩百憂失。東坡先生取人廉。幾人相歡幾人嫌。恰似飲茶甘苦雜。不如食蜜中邊甜。因君寄與雙龍餅。鏡

空一照雙龍影三吳六月水如湯老人心似雙龍井

送張嘉州

少年不願萬戶侯亦不願識韓荆州頗願身為漢嘉
守載酒時作凌雲游虛名無用今白首夢中卻到龍
泓口浮雲軒冕何足言惟有江山難入手峨眉山月
半輪秋影入平羌江水流謫仙此語誰解道請看見
月時登樓笑談萬事真何有一時付與東巖酒

送江公著知吉州

三吳行盡千山水猶道桐廬更清美豈惟濁世隱狂
奴時平亦出佳公子初冠惠文讀城日晚入奉常陪
劍履方將華省起彈冠忽憶釣臺歸洗耳未應良木
棄大匠要使名駒試千里奉親官舍當有擇得郡江
南差可喜白粲連檣一萬艘紅妝執樂三千指簿書
期會得餘閒亦念人生行樂耳

與葉淳老侯敦夫張秉道同相視新河東道有

詩次韻二首
諸山前知信相錯酒而將江潮自海門東來執如
勝計前知信相錯酒而將江潮自海門東來執如
門地山而東復講求運河引浙江浙及南流地諸水
二山二里以達於江又并江為岸凡八里以達於
達於龍山以達於古河浦北折為小港以達於
六十五丈以達於古河浦北折為小港以達於
龍山運河以達於古河浦北折為小港以達於
與前轉運使葉溫公以是月召還省看詳支賜
錢物委監運使葉溫公以是月召還省看詳支賜
提是杭之西湖水通南北杭已盡西南取
堤故云我輩西湖北眼已盡西南取
謂農使老溫更字敦夫臨上饒使君更超然
與大客之一
時客於杭

君不見元帥府前羅萬戟潭頭未順千弩射至今鳳
凰山下路長借一箭開兩翼我輩西湖還舊觀一眼

已盡西南碧又將回奪浮山嶺千艘夜下無南北坐
陳三策本人謀惟留一諾待我畫老病思歸真暫寓
功名如幻終何得從來自笑畫蛇足此事何殊食雞
肋憐君嗜好更迂闊得我新詩喜折屐江湖蠶了我
竟歸餘事後來當潤色一菴閑臥洞霄宮井有丹砂
水長赤

荆溪父老愁三害下斬長蛟本無賴平生倔強韓退
之文字猶為鰐魚戒石門之役萬金耳首鼠不為吾
已隘江湖開塞古有數兩鵲飛來告成壞勸農使者
非常人一言已破黎民駭上饒使君更超軼坐晚浮
山如累塊髯張乃我結轡生詩酒淋漓出狂怪我作
水衡生作丞他日歸朝同此拜

稷筍 並引

稷筍狀如魚剖之得魚子味如苦筍而加甘
芳蜀人以饌佛僧甚貴之而南方不知也筍
生膚蠹中蓋花之方孕者正二月間可剝取
過此苦澀不可食矣取之無害於木而宜於
飲食法當蒸熟所施略與筍同蜜煮酢浸可
致千里外今以餉殊長老

贈君木魚三百尾中有鵝黃子魚子夜又剖饗欲分
甘簞龍藏頭敢言笑願隨蔬果得自用勿使山林空
老死問君何事食木魚烹不能鳴固其理

次韻曹子方運判雪中同遊西湖

詞源灤灤波頭展清唱一聲巖谷滿未容雪積句先
高豈獨湖開心自遠雲山已作歌眉淺山下碧流清
似眼尊前酒只新詩何異書魚餐蠹簡

西湖秋酒東池魚筍甚因會客呼網師遷之西
池為一笑之樂夜歸被酒不能寐戲作放魚

一首

東池浮萍半黏塊，裂碧跳青出魚背。西池秋水尚涵空，舞蘭搖深吹荇帶。吾僚有意爲遷居，老守縱饒那忍離。縱橫爭看銀刀出，灩澦初驚玉花碎。但愁數畧損鱗鬣，未信長堤隔濤瀾。歲歲發發須臾間，圍圍洋洋尋丈外。安知中無蛟龍種，尚恐或有風雲會。明年春水漲，西湖好去相忘渺淮海。

復次放魚韻答趙承議陳教授

擾擾萬生同一塊，槍榆不羨培風背。青邱已吞雲夢芥，黃河復練天門帶。長譏韓子隘且陋，一飽鯨魚何足膽。東坡也是可憐人，披挾泥沙收細碎。逝將歸修休，一作八節灘。又欲往釣七里瀨，正似此魚逃網中。未與造物遊數外，且將新句調二子。湖上秋高風月會，爲君更喚木腸兒。脚扣兩舷歌小海。

六觀堂老人草書

公自注六觀取金剛經夢幻等六物也。老人僧丁性精於書而善草書下筆有遺轍而人莫知貴故作此詩。

物生有象象乃滋，夢幻無根成斯須。方其夢時了非無，泡影一失俯仰殊清露。未晞電已徂，此滅滅盡乃真。吾云如死灰，實不枯。逢場作戲三昧俱，化身爲醫忘其軀。草書非學，聊自娛。落筆已喚周越奴，蒼鼠奮髯飲松腴。刻藤玉板開雪膚，遊龍天飛外人呼。莫作羞澀羊氏姝。

聚星堂雪 並引

元祐六年十一月一日，禧雨張龍公得小雪，與客會飲聚星堂，忽憶歐陽文忠公作守時雪中約客賦詩禁體物語於艱難中，特出奇麗爾來四十餘年，莫有繼者。僕以老門生，繼公後雖不足，追配先生而賓客之笑殆不減。

當時公之二子又適在郡，故輒舉前令各賦一篇。

窗前暗響鳴枯葉，龍公試手行初雪。映空先集疑有無，作態斜飛正愁絕。衆賓起舞風竹亂，老守先醉霜松折。恨無翠袖點橫斜，祇有微燈照明滅。歸來尚喜更鼓暗，晨起不待鈴索掣。未嫌長夜作衣裯，卻怕初陽生眼顚。欲浮大白追餘賞，幸有回飈驚落屑。模糊槍頂獨多時，歷亂瓦溝裁一瞥。汝南先賢有故事，醉翁詩話誰續說。當時號令君聽取，白戰不許持寸鐵。

喜劉景文至

天明小兒更傳呼，髯劉已到城南隅。尺書真是髯手迹，起坐慰眼知有無。今人不作古人事，今世有此古丈夫。我聞其來喜欲舞，病自能起不用扶。江淮旱久塵土惡，朝來清雨濯鬢鬢。相看握手兩無事，千里一笑無乃迂。平生所樂在吳會，老死欲葬杭與蘇。過江西來二百日，冷落山水愁吳姝。新堤舊井各無恙，參寥六一豈念吾別後。新詩巧摹寫袖中，知有錢塘湖前十二句。喜劉至後八句，念蘇杭舊遊以劉自杭來也。

送歐陽季默赴闕

先生豈止一懷祖，郎君不減王文度。膝上幾日今日白，須令我眼中見此父。汝南相從三晦朔，君去苦早我來暮。霜風淒緊正脫木，潁水清淺可立鷺。莫辭白酒瀉香泉，已覺扁舟掠新渡。坐看士衡執別手，更遣夢得出奇句。郎君可是筦庫人，乃使駉驥隨蹇步。置之行矣無足道，賢愚豈在遇不遇。

用前韻作雪詩留景文

萬松嶺上黃千葉，載酒年年踏松雪。劉郎去後誰復來，花下有人心斷絕。東齋夜坐搜雪句，兩手龜坼霜